


卷十八

嘉禮二

中宮朝會

東宮朝會



大明集禮卷十八上

嘉禮二

中宮

總序

周禮命婦朝女君則中宮之有朝尚矣漢制自二千石夫人以上服蚕衣以朝晉宋皆然唐永徽五年命婦朝於光順門其後以朝官命婦雜處朝賀詔停開元禮載皇后正旦冬至受外命婦朝儀於肅章門外齊班然後入內殿行禮賀

畢有會。長慶以後。則外命婦有邑號者。正旦冬  
至。詣光順門起居。**宋**制皇親國戚之家。及臣僚  
命婦。遇節序慶賀。許入內進奉而已。其正旦冬  
至朝賀行禮之詳。無聞焉。**元**正旦命婦。則以常  
服詣內殿行賀禮。

**國朝** 正旦冬至。

皇后御坤寧殿。內使監官引內外命婦各服其  
服入朝。禮畢。賜宴於後殿。今具歷代儀物。及

**國朝** 儀注用著于篇。

### 中宮冠服

**周**制王后以禮見王。及見賓客。首服用編。用笄。

服用展衣。編者。編列髮為之。其儀象若今假髻。  
笄。玉為之。所以卷髮。展字當為禮禮。

亶也。誠也。其色則白。**漢**首飾用假結步搖簪珥。服用蚕服。

青上縹下。為深衣之制。**唐**首飾用大小花各十

二樹。兩博髻。花鈿十二。服用褱衣。**宋**並同唐制。

冠。加以九龍四鳳。**元**用其本俗衣冠。以臨朝賀。

**國朝**

皇后臨朝。參用唐宋之制。首飾以九龍四鳳。大

大明集禮 卷十九  
小花各十二樹并兩博髻。寶鈿十二。服用禕衣十二等。其制度圖本詳見冠服篇。

### 皇妃冠服

昔者黃帝立四妃。帝嚳亦立四妃。而冠服之詳未聞焉。**周**制天子正后之下三夫人。次最貴。蓋後世皇妃之位也。內司服掌辨王后之六服。鄭玄謂三夫人其闕翟以下乎。然亦億度之說爾。**漢**貴人首飾用大手髻。黑瑇瑁加簪珥。服蚕服。青上縹下。同深衣制。**唐**首飾花九樹。兩博髻。飾

以寶鈿。服用翟衣。**宋**首飾大小花各九株。并兩博髻。加以九翬四鳳。服用褕翟。**元**用其本俗衣冠。

### 國朝

皇妃參用唐宋之制。首飾九翬四鳳。大花九樹。小花如大花之數。兩博髻。飾以九寶鈿。服用翟衣九章。其制度具見冠服篇。

### 皇太子妃冠服

皇太子妃冠服之制。**周**以前無聞。**漢**貴人首飾

皆大手髻。黑瑇瑁。加簪珥。其朝服皆用蚕服。青  
 上縹下。同深衣制。**北齊**首飾假髻步隆。花釵九  
 鈿。服用綸翟。**隋**首飾花九樹。服綸翟九章。**唐**首  
 飾大小花各九樹。兩博髻。飾用寶鈿。服用綸翟  
 九等。**宋**同唐制。**元**用其本俗衣冠。

**國朝**

皇太子妃首飾加九翬四鳳。大小花釵九樹。兩  
 博髻九鈿。服用翟衣九等。其制度圖本見冠服  
 篇

諸王妃冠服

親王妃冠服之制。**周**以前無所攷。**漢**制大手髻  
 黑瑇瑁。加簪珥。服蚕服。純縹上下。**北齊**假髻九  
 鎮。飾以金玉。纁朱綬。韋服珮。同內命婦一品。**隋**  
 制王妃首飾花九樹。服綸翟。繡為九章。佩山玄  
 玉。獸頭鞶囊。綬同夫色。**唐**制親王視一品。則王  
 妃同一品。命婦之服。首飾花釵九樹。兩博髻。飾  
 以寶鈿。服翟衣九等。佩綬同諸王。**宋**同唐制。**元**  
 用其本俗衣冠。

大明集禮 卷十八 四  
國朝親王妃首飾九翬四鳳冠大小花釵九樹兩博鬢九鈿服用翟衣九等其制度圖本詳見冠服篇

公主冠服

公主冠服之制周制無攷漢制大手髻黑瑇瑁簪珥長公主加步搖服蚕服純縹上下帶綬以采組為緹帶各如其綬色黃金辟邪首為帶鐙飾以白珠北齊假髻九鎮飾以金玉金章紫綬服褕翟雙珮山玄玉隋制首飾花九樹服褕翟

繡為九章佩山玄玉獸頭鞞囊綬同夫色唐制公主視一品命婦兩博鬢飾以寶鈿翟九等花釵九樹佩綬同諸王宋同唐制元用其本俗衣冠

國朝公主首飾九翬四鳳冠大小花釵九樹兩博鬢九鈿服用翟衣九等其制度圖本詳見冠服篇

命婦冠服

命婦朝服周制內司服辨外內命婦之服首飾

副編次。其服闋狄。禴狄者用副服。鞠衣展衣者用編服。祿衣者用次。鄭玄云。外命婦孤之妻服鞠衣。卿大夫之妻服展衣。士之妻服祿衣。公之妻其服闋狄以下乎。侯伯之夫人禴狄。子男之夫人亦闋狄。其公妻以下之說。不過億度而類推之。**漢**制朝會公卿列侯二千石夫人首飾。紺繒帽。簪珥。服用蚕衣。**唐**首飾。兩博鬢。飾以寶鈿。服用狄衣。一品花釵九樹。狄九等。二品花釵八樹。狄八等。三品花釵七樹。狄七等。四品花釵六樹。狄六等。五品花釵五樹。狄五等。寶鈿視花樹之數。**宋**制一同於唐。

**國朝**命婦一品首飾。花釵九樹。兩博鬢九鈿。服翟衣九等。二品花釵八樹。兩博鬢八鈿。服翟衣八等。三品花釵七樹。兩博鬢七鈿。服翟衣七等。四品花釵六樹。兩博鬢六鈿。服翟衣六等。五品花釵五樹。兩博鬢五鈿。服翟衣五等。六品花釵四樹。兩博鬢四鈿。服翟衣四等。七品花釵三樹。兩博鬢三鈿。服翟衣三等。以上翟衣之質。依品

大明集禮 卷十八  
從隨夫朝服之色。其制度圖本詳見冠服篇。

### 儀仗

中宮之尊配位

宸極助理內教。出則有鹵簿以奉引。居則有儀仗以侍衛。其前代記載儀仗間見於鹵簿中。**唐**左右廂有黃麾仗。廂各三行。行列百人。共六百人。從內第一行短戟五色。第二行戈五色。第三行儀鎧五色。幡。又有偏扇團扇方扇各二十四。團雉尾扇二。大繖四。大孔雀扇八。錦華蓋

二。小雉扇十二。朱畫團扇十二。錦曲蓋二十。錦六柱八。扇絳麾二。並分左右。黃麾一。**宋**同唐制

**國朝**

中宮儀仗。

殿下左右麾幡繖扇等儀三十六

殿前班劔瓜仗等儀四十四

殿前擎執華蓋交椅等儀十四

殿上擎執香鑪唾壺等儀六。制度詳見儀仗篇。

樂



古者后夫人有房中之樂。歌周南召南而不用鐘磬。所以諷誦以事其君子。而朝會之樂未聞焉。**隋**初皇后之庭。但設絲管。大業以後。始制鐘磬。而猶不設鑄鐘。**唐**制中宮用宮架二十虡。其十二鑄鐘。以十二大磬代之。舞用八佾。**宋**中宮朝會樂無所考見。**元**朝會皇后乘輿同陞殿受賀。

**國朝**

中宮受內外命婦朝賀宴會。並奏大樂。詳見樂

書

陳設

古者命婦朝中宮。必預為陳設於內外。所以謹其禮也。**至唐**則前二日。本司宣攝內外各供其職。前一日。守宮設外命婦次如常儀。尚寢率其屬設御幄於皇后正殿北壁南向。又設命婦為首者脫舄席於西階前。近西東向。司樂展宮懸之樂於殿庭。設麾於殿上西階之西。東向。內僕設重翟以下於肅章門外道東。西向。司贊設命

婦等版位於殿庭內。謁者設外。命婦等位於肅章門外。設司贊位於東階東南。西向。設掌贊二人。位於司贊之南。差退。俱西向。諸衛勒所部屯門列仗。陳布於肅章門外。**宋**正旦受賀之儀。未見記載。

**國朝**正旦冬至。

中宮壽誕。

皇太子。

親王。行禮。內使監設。

皇后御座於坤寧宮正中。於宮門外設。

皇太子幄次於東北。設。

親王幄次於近南之東西。設樂位於王宮門外。設儀仗于丹墀及露臺上之東西。設司贊二人。位于露臺上之東西。司賓二人。位于司贊之南。東西相向。設內贊二人。位于殿上之東西。內外命婦行禮。內使監仍設。

皇后御座於坤寧宮於宮門外。設。

皇妃幄次於宮門西。近北。設。

皇太子妃及

王妃。

公主。幄次於門東。設外命婦。幄次於門外之東。西近南。設

皇妃。

皇太子妃。

王妃。

公主。拜位於露臺上。設司贊二人。司賓二人。位於露臺上。東西相向。內贊二人。於殿上之東西。

設外命婦侍立。位於殿庭之東西相向。拜位於殿庭中。北向。司贊二人。位於殿庭之東西。司賓二人。位於司贊之南。東西相向。內贊二人。於殿上。司言位於殿上之東。

執事

中宮朝會。必戒執事之人。所以使之各供其職也。**唐**正旦冬至。中宮受命婦朝。有守宮掌命婦次。尚寢掌御幄。及命婦脫舄席。司樂掌宮懸。典樂掌舉麾。內僕掌陳重翟車。司贊掌版位。諸位

掌列仗。內典引掌引禮。尚儀掌奏中嚴外辦。司寶掌奉琮寶。司賓掌引班首行禮。**宋**正旦冬至無受賀儀。

**國朝**受命婦賀殿庭執仗內使三十六人。露臺上執仗內使四十四人。殿上擊執女使六人。內使監官掌設

御座。

皇太子

親王及內外命婦拜位。侍立位。司贊二人掌殿

前拜禮。內贊二人掌殿內拜禮。司賓二人掌引內命婦行禮。二人掌引外命婦行禮。司言一人掌

宣旨。樂工三十二人受

皇太子

親王朝。陳設執事同前。

班位

古者命婦各有品級。以為尊卑之等。其朝於中宮也。則以其品級敘而為班次焉。**唐**制公主及

王妃以下為外命婦。其品秩。大長公主。長公主。並視正一品。郡主視從一品。縣主視正二品。文武官一品及國公母妻為國夫人。三品以上母妻為郡夫人。四品若勳官二品有封母妻為郡君。五品若勳官三品有封母妻為縣君。帶職者。若勳官四品有封母妻為鄉君。其母邑號皆加太字。諸命婦朝參行立次第各准夫子。同班者則母在上。職事非五品以上者並不在參例。其朝之日。司贊設序立位於門外。大長公主以下

於道東。太夫人以下於道西。俱重行相向北上。又設命婦位於殿庭。太長公主以下在東。以西為上。太夫人以下在西。以東為上。諸親婦女宗親在東。以西為上。異姓在西。以東為上。俱重行異位。北向。**宋**正旦冬至朝會之儀。未見載記。

**國朝**

正旦冬至及

中宮壽誕日。

皇太子。

親王露臺上行禮。

皇太子位居中。東次 秦王 燕王 楚王

潭王 魯王。西次 晉王 吳王 齊王

趙王。次西近南 靖江王

皇妃行禮東 貴妃次 充妃次 惠妃西

寧妃次 定妃次 順妃。

皇太子妃。王妃 公主行禮。

皇太子妃居中。王妃 公主各以長幼分位

于東西。公主位亦各以長幼分於東西。外命

婦行禮。依品從序班於

殿庭

贊詞

唐正旦皇太子朝皇后稱賀曰。元正首祚。景福

惟新。伏惟殿下與天同休。冬至云。天正長至。伏

惟殿下如日之升。正旦命婦朝皇后稱賀曰。妾

姓等言。元正首祚。景福惟新。伏惟殿下與時同

休。宣答云。履新之慶。夫人等同之。冬至云。妾姓

等言。天正長至。伏惟殿下如日之升。宣答云。履

長之慶。夫人等同之。

國朝 正旦

皇太子朝稱賀云。長子某茲遇履端之節。謹率諸弟某王某等恭詣

母后殿下稱賀。冬至則云。長子某茲遇履長之節。謹率諸弟某等恭詣

母后殿下稱賀。

壽旦則云。茲遇

母后殿下聖誕之辰。謹率諸弟某等恭上千歲壽。正旦皇妃稱賀云。某妃妾某氏等茲遇履端

之節。恭詣

皇后殿下稱賀。冬至則云。某妃妾某氏等茲遇履長之節。恭詣

皇后殿下稱賀。壽旦則云。某妃妾某氏等茲遇皇后殿下聖誕之辰。恭上千歲壽。其

皇太子妃則稱長婦妾某等。

公主則稱長女某。謹率諸妹某等。命婦則稱某國夫人妾某氏等。贊詞同。

賀箋

箋奏之名始於漢。而其用不專於慶賀。**唐**以來始與表對用。以為賀上之文。又以箋次於表。而有等級之分。蓋始用於慶賀矣。**宋**制遇大慶禮。則文武百僚拜表稱賀。乘輿訖。然後移班拜箋。稱賀中宮。**元**每正旦在內省院臺長官進箋稱賀。赴中政院收受。在外行省亦然。其所屬五品以上第進所屬上司類進中政院。

**國朝**正旦冬至各行省進箋稱賀。其所屬府州則各進於行省。類進中書省。諸各處分衛守禦

官各進於都督府。都督府類進。其直隸府州則進於禮部。其寫箋式。參用唐制。起首具官。臣某等誠懽誠忭。稽首頓首上言。云云中賀。臣某等誠懽誠忭。稽首頓首敬惟

皇后殿下。云云末後。臣某等無任瞻仰激切屏營之至。謹奉箋稱賀以

聞。臣某等誠懽誠忭。稽首頓首。謹言。年月日具

官臣某等謹上箋。以上並用小字真書。其署名

帖一方。如印大帖。下用印。紅帖上。所書如正旦。寫進賀正旦箋文。如冬至。寫進賀冬至箋文。末



後年月日封皮。上用紅帖。如正旦於上書寫進上亦用印。賀正旦箋文。冬至寫進賀冬至箋文。紅帖下用印。印下寫具官臣其上。副本。用進謹封。於上進謹封字上用印。  
日本小字真書。後年月月袂匣。用木飾以金鳳鎖鑰。日上用印。紅綾表襟。袂匣。全用紅羅夾袂二條。上銷金鳳紋。小者裹箋於匣內。大者裹匣外。仍用氈片油絹袂重裹。

### 宴會

周官內宰掌致后之賓客之禮。註謂諸侯夫人有會見王后之法。故亦致禮焉。然則諸侯夫人朝於王后。而王后與之行宴會之禮者。其來尚矣。漢魏以降。其禮漸廢。至唐每正旦冬至。則外

命婦皆朝中宮。朝畢而會。其儀則有尚寢率其屬鋪外命婦等之座於殿上。大長公主以下於御座東南。重行西向。太夫人以下於御座西南。重行東向。又設不升殿者座席於東西廊下。尚食設壽罇於殿上。又設升殿者酒罇於東西廊下。又設廊下者酒罇各於其座之南。皆有坵冪。俱幃以帷。皇后褱衣即御座。樂奏正和之曲。命婦為首者進酒於御座前跪。稱賀。司言承令宣。答酒行十二遍。仍有賜帛。宋每遇慶節皇親戚

大日集禮 卷十八  
里之家。臣僚命婦入內進奉。而宴會之詳。未見  
記述。

國朝 正旦冬至

壽誕內殿受朝畢。內使監仍於殿上陳設

御座。殿庭及露臺上左右陳設儀仗。殿內擊執  
如受朝之儀。殿內

御座之東設

皇太子妃及

王妃 公主坐位。以次而南。西向。

御座之西設

皇妃六位坐位。以次而南。東向。近左右第一行

設一品命婦坐位。東西相向。第二行左右設二

品命婦坐位。東西相向。第三行設三品四品命

婦坐位。東西相向。皆以北為上。東西廡下設四

品以下至七品命婦座。東西相向。以北為上。女

伎陳大樂。細樂及諸舞隊。於殿之南楹內使監

設

御酒罇。

御食案內外命婦酒罇食案訖。

皇后常服升

御座丞相夫人進壽花於

御前酒行七遍間進食五次皆以樂為節兼用諸舞隊宴畢命婦以次出

皇太子正旦朝賀儀注

冬至壽誕同但改用贊詞

前期內使監於坤寧宮設

皇后御座于正中設

皇太子幄次於王宮門外之東近南。

親王幄次於王宮門外近南之東西其日設儀仗於露臺上及殿庭之東西設

皇太子親王拜位於露臺上正中及殿內正中。司贊二人位於露臺上拜位之北東西相向司賓二人位於司贊之南東西相向內贊二人位於殿內拜位之北東西相向樂工陳樂於王宮門外。

皇太子親王朝

上位訖司賓引導仍具冕服至幄次內使監官

啓知

皇后首飾禕衣將出。仗動。樂作陞

御座。樂止。司賓引導。

皇太子親王入就殿前拜位。初行。樂作。至拜位。

樂止。司賓二人分立於東西。司贊唱鞠躬。樂作。

拜興。拜興。拜興。拜興。平身。樂止。司賓道引。

皇太子親王俱進。自殿東門。樂作。司賓伺於門

外。內贊接引至於

御前拜位。樂止。內贊唱跪。

皇太子跪。親王皆跪。

皇太子稱長子某。茲遇履端之節。冬至則云履

則云茲遇母后殿下聖誕之辰。謹率諸弟等恭上千歲壽。

謹率諸弟某王等恭詣

母后殿下稱賀。內贊唱俯伏。興。平身。

皇太子親王皆俯伏。興。平身。內贊引

皇太子親王自殿東門出。樂作。司賓引復殿前

拜位。樂止。司贊唱鞠躬。樂作。拜興。拜興。拜興。拜興。

興。平身。樂止。內使監官啓禮畢。司贊唱禮畢。

大明集禮 卷六  
皇后興樂作至內閣門司賓引

皇太子親王還幄次樂止

內外命婦正旦朝賀儀注

前期侵晨內使監官於坤寧宮設

皇后御座設

皇妃幄次於王宮門外之西近北設

皇太子妃王妃公主幄次於王宮門外之東稍南設內外命婦幄次於門外之南東西相向其日設儀仗于殿庭及露臺上之東西擎執於

御座之左右

皇妃

皇太子妃王妃公主拜位於露臺上正中設外命婦侍立位於殿庭之東西拜位於殿庭正中設司贊二人位於露臺上之東西二人位於殿庭之東西司賓二人位於露臺上司贊之南東西相向二人位於殿庭司贊之南東西相向內贊二人位於殿內東西相向司言一人於殿內之東內贊之北樂工位於宮門之外內使監官

啓請

皇后首飾禕衣出閣。仗動。樂作陞

御座。樂止司賓二人於幄次。引外命婦由東門

入侍立位。司賓二人於幄次。引

皇妃等由東門入東陛。陞至露臺上拜位。司贊

唱拜。樂作興拜興拜興。樂止司賓引貴妃

由殿東門入至殿上拜位。內贊司贊同唱跪貴

妃與衆妃皆跪。貴妃稱妾某氏等。茲遇履端之

節。恭詣

皇后殿下稱賀。內贊司贊同唱興。

皇妃皆興。司賓引貴妃由殿東門出。樂作復位。

樂止司贊唱拜。樂作興拜興拜興。樂止唱

禮畢。司賓引

皇妃由東階降。東門出。司賓二人引

皇太子妃。王妃。公主。由東門入。東陛。陞至露臺

上拜位。司贊唱拜。樂作興拜興拜興。樂止

司賓引

皇太子妃由殿東門入。至殿上拜位。內贊司贊

同唱跪

皇太子妃與王妃公主皆跪。

皇太子妃稱長婦妾某氏等。茲遇履端之節。恭詣

皇后殿下稱賀。內贊司贊同唱興。

皇太子妃王妃公主皆興。司賓引。

皇太子妃由東門出復位。司贊唱拜。樂作興拜。

興拜興拜興。樂止司賓引。

皇太子妃王妃公主由東陞降。東門出。司賓引。

外命婦入拜位。司贊唱班齊。唱拜。樂作興拜興。

拜興拜興。樂止司賓引班首由西陞降。樂作西

門入。至殿上拜位。樂止內贊司贊同唱跪。班首

及命婦皆跪。班首稱某國夫人妾某氏等。茲遇

履端之節。恭詣

皇后殿下稱賀。內贊司贊同唱興。班首及外命

婦皆興。司賓引班首由西門。樂作出。西陞降。復

位。樂止司言前跪承旨。由殿中門出。立於露臺

上之東南向。稱有旨。司贊唱跪。眾命婦皆跪。司

言宣旨云履端之慶冬至則云履長之慶與夫  
 人等共之。司贊唱興。眾命婦皆興。司言入跪云。  
 宣旨畢。司贊唱拜。樂作興拜興拜興。樂止  
 司贊唱禮畢。內使監官啓禮畢。

皇后興。樂作入內閣門。司賓引眾命婦由西門  
 出。樂止

宴會命婦儀注。正旦冬至壽誕並同

坤寧宮受朝賀畢。內使監官仍於殿上陳設  
 御座於殿庭。及露臺上左右設儀仗及

御座左右。擊執如受朝之儀。又於

御座西畔設貴妃等六妃位。東畔稍南設

皇太子妃。王妃。公主。位於殿南。左右第一行設

一品外命婦坐次。左右第二行設二品命婦座

左右第三行設三品外命婦坐次。左右第四行

設四品外命婦坐次。以北為上。東西相向。東西

廡下設四品以下外命婦座次。以北為上。樂工

於殿之南楹。陳大樂細樂及諸舞隊設

御酒尊於殿之南楹正中設



皇妃酒尊於

御酒尊之西。

皇太子妃。王妃。公主酒尊於

御酒尊之東。設外命婦酒尊於殿門左右及東

西兩廡。

御位司壺二人。尚酒尚食二人。

皇妃六位。司壺一人。奉酒奉食二人。

皇太子妃。王妃。公主。司壺一人。奉酒奉食二人。

殿上左右行。每一行。司壺二人。奉酒奉食二人。

東西廡各有司壺供酒。供食之人。陳

御食案於殿上。正中。及

皇妃六位。食案於殿上之西稍南。

皇太子妃。王妃。公主。食案於殿上之東稍南。外

命婦。食案東西廡。命婦。食案皆先設於本位前。

將宴。諸執事人各供事。司賓引大小命婦各服

常服。侍立於殿門外之左右。內使監官啓知

皇后常服。

皇妃。

皇太子妃。王妃。公主常服隨從出閣。仗動。樂作  
陞

御座。樂止。司賓引

皇妃。

皇太子妃。王妃。公主入就位。司賓引大小命婦  
入。各立於座位後。丞相夫人率次命婦等舉

御食案進於

御座前。丞相夫人捧壽花進於

御前。二品外命婦各舉食案進於

皇妃。

皇太子妃。王妃。公主前進壽花於

皇妃。

皇太子妃。王妃。公主前。大小命婦各就位坐。奉  
御及諸執事人。分進壽花於殿內。大小命婦及  
分進壽花於東西廡。命婦訖。司壺於

御前尚酒及

皇妃。

皇太子妃。王妃。公主前進酒。內外命婦前各供

酒。樂作樂女北面立舉手唱上酒飲畢。樂止東西廡大小命婦前司壺各斟酒如儀奉御於御座前尚食供食者於

皇妃。

皇太子妃王妃公主前及外命婦前各供食。樂作樂女北面舉手唱上食食畢。樂止東西廡大小命婦前供食者各供食如儀凡酒七行間進食五次上酒上食。樂作樂止並如儀。樂或間用舞隊宴畢。

皇后興。樂作侍從導引還宮如來儀。樂止司賓引大小命婦以次出。

諸王來朝儀注

前期内使監於坤寧宮陳設

皇后御座於正中南向設

親王幄次於王宮門外是日設儀仗於殿庭及露臺上之東西設

親王拜位於露臺正中及殿內

御座前司贊二人位於露臺上拜位之北東西

相向。司賓二人位于司贊之南。東西相向。內贊二人位於殿內拜位之北。東西相向。樂工陳樂於宮門之外。北向。陳設畢。司賓引

王服衮冕入伺於幄次。內使監官啓請

皇后首飾。禕衣出閣。仗動。樂作陞

御座。樂止司賓引

王由東陞陞。樂作入就露臺上拜位。樂止贊禮

唱鞠躬。樂作拜興。拜興。拜興。拜興。平身。樂止司

賓導

王由殿東門入。樂作至位。司賓分立於左右。樂

止內贊唱跪。

王跪稱第幾子某王某。茲遇孟春。四時隨入覲。

恭詣

母后殿下朝拜。內贊唱俯伏。興。平身。

王俯伏興。平身。司賓引

王由殿東門出。樂作復位。樂止司贊唱鞠躬。樂

作拜興。拜興。拜興。拜興。平身。樂止司贊唱禮畢。

內使監官啓禮畢。

皇后興樂作至內閣門司賓引王出就幄次樂止

皇太子諸王朝圖

集禮卷六 天

- 魯王
- 趙王
- 楚王
- 燕王
- 秦王
- 皇太子
- 晉王
- 吳王
- 齊王
- 潭王
- 靖江王

中宮受皇妃賀圖

外命婦侍立位

定妃  
惠妃  
貴妃  
充妃  
寧妃  
順妃

外命婦侍立位

集禮卷十八二十九

司賓

司贊

內贊

司言

內使擊執

御座

內使擊執

內贊

司賓

司贊

中宮受旨太子妃玉妃公主賀圖

外命婦侍立位

公主

王妃

皇太子妃

王妃

公主

外命婦侍立位

集禮卷十八

司贊  
司賓

內贊

司言


拜位

御座

內贊

司贊  
司賓

中宮受外命婦賀圖



集禮卷八三

司贊

司贊

司賓

司贊

內贊

內贊

司言

御座

拜位



內殿宴會內外命婦次序

集禮卷八十三

內贊

司言

拜位

御座

內贊

外命婦五品以下

外命婦四品  
外命婦三品  
外命婦二品  
外命婦一品

公主  
王妃  
皇太子妃

御座

順妃  
定妃  
寧妃  
惠妃  
充妃  
貴妃

品四婦命外  
品三婦命外  
品二婦命外  
品一婦命外

外命婦五品以下

諸王來朝圖

集禮卷八十三

司賓

王拜位

司賓

司贊

司贊

拜位

內贊

內贊

司言

香案

御座

大明集禮卷十八下

嘉禮三

東宮朝會

總敘

皇太子受羣官賀儀。漢以前無聞。唐正旦冬至。則於大朝會之明日。百官朝集使等皆詣東宮行禮。羣官再拜稱賀。又再拜皇太子有答後再拜之儀。宋正旦冬至三公賀前後皆再拜。皇太子俱答拜。其中班首稱賀。有承令宣答之制。次

大朝集禮 卷六  
三十四  
樞密院官賀。次受師傅保賓客賀。並如上儀。次文武官官賀。班首稱賀。無宣答亦不答拜。**元**正旦則於大朝會之明日。文武羣官以下常服。至東宮行國俗四跪拜禮。其千秋亦如之。

**國朝** 正旦冬至。

奉天殿朝畢。

皇太子於

大本堂受三公賓客諭德賀。有答後再拜之禮。百官詣

東宮賀。有稱賀宣答而不答拜。今具歷代儀文并

**國朝** 儀注以著于篇

儀仗

東宮受朝儀仗。前代記載皆雜見於鹵簿中。**唐**有龍旗六。左右二廂儀仗各六色。每色九行。每行六人。以戟赤氅弓箭儀鉞眊刀楯儀鎗五色幡。油戟相間。又繖二。雉尾扇四。夾繖。又有團雉尾扇二。小方雉尾扇八。分左右。左右廂絳引播

十二為二行。前六幡。後六幡。又朱漆團扇六。紫曲蓋六。又團扇二。小方扇八。又執班劍二行。執儀刀六行。**宋**龍旗六。左右廂儀仗各六色。色各九行。行六人。前第一行。戟赤斨。次第二行。弓矢。次第三行。儀鉞。次第四行。刀楯。次五行。儀鎗五色幡。次第六行。油戟。執班劍二行。儀刀六行。並與唐同。又朱團扇六。紫曲蓋六。又繖二。雉尾扇四。團雉尾扇二。方雉尾扇八。分左右。

**國朝**東宮儀仗。中門外中道。設龍旗六。角六。鼓

六。鉦六。黃旗一。居中。左前青旗一。右前赤旗一。左後黑旗一。右後白旗一。每旗下執弓弩六。殿下左右執幡斨等仗三十六。殿前左右班劍等儀四十八。殿門左右團扇等儀十二。殿上左右香鑪香合等儀六。詳見儀仗篇。

### 樂

**周**制。王用宮懸樂。諸侯用軒懸。而無王世子用樂之文。樂書云。三王教世子必以禮樂。則東宮安得不設樂乎。**梁**武帝天監中。東宮新成。皇太

子宴會司馬聚請奏金石軒架之樂。賀瑒請備文武二舞。正旦。上壽。奏介雅。亦殆先王之制也。

隋皇太子正旦。張樂受賀。唐制皇太子樂用軒懸。舞用六佾。宋皇太子之樂。不言其制。

國朝

東宮正旦。冬至。受羣官賀。用大樂。加用細樂。詳見樂書。

陳設

東宮受朝賀陳設。唐皇太子正至朝會。前一日

典設官設幄座於正殿東序西向。守宮設羣官等次於東宮朝堂。伶官展軒懸於殿庭。典設郎鋪羣官牀座於殿上。又設文武三品官位於殿上。奉禮設文武官朝集使。及諸親位於門外。其日質明。諸衛率各勒所部屯門列仗。宋正旦。冬至。所司設三公以下文武羣官等次如常儀。典儀設皇太子。答拜褥位於階下。南向。又設文武羣官版位於門之內外。

國朝陳設。見于儀注。

執事

按古者東宮受朝執事。**唐**正旦冬至左右衛率府衛率掌陳兵仗司直二人分知東西班左庶子掌版奏左諭德列侍於左階右諭德列侍於右階典設郎一人掌設幄座守宮一人掌設羣官位率更令掌張樂懸典膳掌陳酒尊掌儀一人奉禮一人贊者二人通事舍人二人。**宋**正旦冬至受三公以下文武羣官賀有典儀掌設答拜褥位又掌文武羣官版位舍人掌引三公以

下羣官禮左庶子掌啓內嚴外備內侍掌褰簾。

**國朝**正旦冬至。

千秋節。

大本堂受三公師傅賀陳

皇太子座一人啓外備一人導引

皇太子四人設三公賓客諭德位一人設

皇太子答拜褥位一人知班二人贊禮二人內

贊二人引文武侍從班四人鋪墊拜席一人。

東宮受百官賀陳

皇太子座一人。啓外備一人。導引  
皇太子四人。設百官位一人。知班二人。贊禮二  
人。內贊二人。宣箋官一人。宣箋目官一人。展箋  
官二人。受箋官一人。承令官一人。引文武班四  
人。鋪墊拜席一人。引使客二人。殿下儀仗三十  
六人。殿前儀仗四十八人。殿門前擊執十二人。  
殿上擊執六人。殿門前將軍六人。樂工三十二  
人。

班位

唐正至東宮受賀羣官班位之序。皇太子於正  
殿東序西向坐。文官三品以上。位於皇太子西  
南。重行北向。武官三品以上。位於皇太子西北  
。重行南向。俱以東為上。朝集使以上。及都督刺  
史。各依方於文武官之下。設不升殿者坐於殿  
東西廂。文官四品五品於軒懸之東。六品以下  
於橫街之南。每等異位重行。西向北上。武官四  
品五品於軒懸之西。六品以下於橫街之南。每  
等異位俱重行。東向北上。朝集使非升殿者分



方各於文武官當品之下。諸州使人分廂各於朝集使之下亦如之。諸親於四品五品之下。設門外位於東宮朝堂之前。文官在東。武官在西。俱每等異位重行。相向北上。諸親位於文武四品五品之下。宗親在東。異姓在西。諸州朝集使位。東方南方於宗親之南。每等異位重行。西面。西方北方異姓親之南。每等異位重行。東面。俱以北為上。**宋**正旦冬至受三公以下文武羣官賀。皇太子答拜褥位階下南向。三公以下拜位

階下近南北向。**元**正旦於大朝會之明日。文武羣官以常服至東宮行賀禮。皇太子居偏殿南向座。羣官自丞相以下以次入。北面行四跪拜禮。

**國朝** 正旦冬至。

千秋節。

皇太子於

大本堂受三公賓客諭德常服賀禮。三公師傅拜位北向。

皇太子答拜位南向。

東宮受羣官賀。羣官拜位於庭中北向。文東武西。每等異位重行。使客位於庭中。文官之東。學官位於文官之南。

贊詞

**唐**正旦羣官稱賀皇太子贊詞云。元正首祚。景福惟新。伏惟皇太子殿下。與時同休。冬至稱賀云。天正長至。伏惟皇太子殿下。與時同休。

**國朝**

正旦冬至羣官稱賀。

皇太子云。三陽開泰。萬象惟新。敬惟

皇太子殿下。茂膺景福。宣答云。履茲三陽。願同嘉慶。冬至稱賀云。茲遇律應黃鐘。日當長至。敬惟

皇太子殿下。茂膺景福。宣答云。履長之節。願同嘉慶。

皇太子千秋。羣官稱賀云。茲遇

皇太子殿下

壽誕之辰。謹率文武羣官。敬祝千歲壽。

賀箋

漢班固有上東平王箋。魏吳質有上太子箋。然不專於慶賀也。唐令有百官上東宮箋式於皇太子稱殿下。自稱名。不稱臣。蓋始用於慶賀矣。宋群臣上皇太子箋與唐同。元正旦及千秋。在內省院臺進箋。赴詹事院收受。在外行省亦然。其所屬五品以上。第進所屬上司。類進詹事院。皆稱名。不稱臣。

國朝正旦。冬至。千秋。各行中書省進箋稱賀。及

類進所屬府州賀箋。赴中書省。其各處分衛守禦官。各進於都督府。其直隸府州。則進於禮部。其寫箋式。參用唐制。起首具官某等。誠忻誠忭。頓首頓首。上言。云云。中賀。某等誠忻誠忭。頓首頓首。恭惟

皇太子殿下。云云。末後某等無任瞻仰激切

屏營之至。謹奉箋稱賀以聞。某等誠忻誠忭。頓

首頓首。謹言。年月日具官某等謹上箋。以上用

書。其署名加小端。謹。箋文上面貼紅帖一方。如印大。帖下用印。紅帖上寫。如正旦。寫進賀正旦

箋文。如冬至。寫進賀冬至箋。封皮。上用紅帖。如文。末後年月日上亦用印。寫進賀正旦箋文。冬至。寫進賀冬至箋文。紅帖下用印。印下寫具官某上進謹封。於上進謹封字上。副本。用手本小字真書。後年。用印。紅綾表。褶匣。以金螭鎖鑰全。紅羅夾。袂二條。上用銷金螭紋。小者。裹箋於匣內。大者。裹匣外。仍用檀片油絹。袂。裏。

正旦受三師賀儀

冬至千秋節同

前期內使監官設

皇太子座于

大本堂如常儀拱衛司設

皇太子答拜褥位於堂中。侍儀司設三師賓客。

諭德拜位於堂前。贊禮二人位於三師位之北。東西相向。內贊二人位於堂中。東西相向。是日。贊禮內贊入就位。引進導。皇太子常服陞座。引禮引三師賓客常服入就位。北向立定。

皇太子起立南向。贊禮唱鞠躬。拜興。拜興。拜興。拜興。平身。三師賓客鞠躬。拜興。拜興。拜興。平身。

皇太子先受兩拜。後答兩拜。內贊贊拜如常儀。

引進啓禮畢。導引

皇太子至

東宮。三師賓客以次出。

正旦受羣官賀儀 冬至同

前期內使監陳

皇太子位于

東宮正殿如常儀。侍儀司設箋案位于殿下之西。及殿內正中。文武百官拜位於殿下。文東武西。每等異位重行。設使客位於文官之東。設學

官位于文官拜位之南。宣箋官。宣箋目官。展箋官。位于箋案之西。受箋官。位于殿上之東。承令官。位于殿上之東。知班二人。位于文武官拜位之北。東西相向。贊禮二人。位於知班之北。東西相向。內贊二人。位於殿上之南。東西相向。引文武班四人。位於文武班之北。稍後。東西相向。引使臣二人。位於引文班之南。西向。  
是日。宿衛陳甲士兵仗於東宮外門外。及旗幟於中門外。將軍六人于殿

門之東西拱衛司陳設儀仗於

殿下之東西及殿前之東西殿門之東西內使  
監擎執於殿上之左右和聲郎陳樂器於文武  
拜位之南侍儀舍人常服置牋函于案舉入位。  
引班引文武官常服齊班于

東宮門外之東西通贊內贊宣箋宣箋目展箋  
受箋官承令官俱入就位引進啓外備導

皇太子常服陞殿將入樂作陞殿樂止引班引

文武官入就位知班唱班齊贊禮唱鞠躬樂作

拜興拜興拜興拜興平身樂止引班引丞相詣

西階陞西門入引班立候于門外內贊接引丞

相至殿內拜位立定內贊唱跪丞相跪贊禮唱

衆官跪衆官皆跪丞相稱某銜某官某茲遇三

陽開泰萬象維新冬至則云律應黃鐘日當長至敬惟

皇太子殿下茂膺景福賀畢內贊唱俯伏興丞

相俯伏興贊禮唱俯伏興衆官俯伏興內贊引

丞相出自西門內贊復位引班引丞相西階降

復位引班退復位贊禮唱進箋捧箋官詣案捧

箋與宣箋。宣箋目官展箋官。一同由西階西門入。內贊唱進箋。捧箋官跪進箋。受箋官跪於案東。受箋出置於案內。贊唱宣箋。宣箋官興就取箋。目跪于案西。展箋官同跪。展。宣畢。展箋目官興。復位。宣箋目官俯伏興。以箋目復于案。復位。宣箋官詣案取箋。跪讀于西。展箋官同跪。宣畢。展箋官興。復位。宣箋官俯伏興。以箋復于案。與宣箋。展箋官俱由西門出。復位。承令官由中門出。立殿階東南。稱有令。贊禮唱跪。眾官皆跪。傳

令云。履茲三陽。頤同嘉慶。

冬至則云。履長之節。頤同嘉慶。

承

令畢。由西門入。跪云。承

令畢。俯伏興。贊禮唱鞠躬。

樂作

百官皆鞠躬。拜。

興。拜興。拜興。拜興。平身。

樂止

贊禮唱禮畢。引進

啓禮畢。

皇太子興。

樂作

還宮。

樂止

舍人舉箋案出。引班

引文武百官以次出。

千秋節受羣官賀儀

前期內使監陳

皇太子座于

東宮正殿如常儀。侍儀司設筵案位於殿下之西北。及殿內正中。文武官拜位於殿下。文東武西。每等異位重行。使客位于文官之東。學官位于文官拜位之南。知班二人位於文武官拜位之北。東西相向。贊禮二人位于知班之北。東西相向。內贊二人位于殿上之南。東西相向。引文武班四人位於文武班之北稍後。東西相向。引使客二人位於引文班之南。西向。

是日宿衛陳甲士兵仗於

東宮外門外之左右。及旗幟於中門外之左右。將軍六人于殿門之東西。拱衛司陳儀仗於殿下之東西。及殿前之東西。殿門之東西。內使擎執于殿內之左右。和聲郎設樂工位于文官拜位之南。侍儀司舍人常服置筵函于案。舉入位。引禮引文武官常服齊班於

東宮門外之東西。引禮引使客學官各常服入立于下。知班贊禮。內贊宣筵。宣筵目。展筵。受筵。



官承令官俱就位。引進啓外備導。

皇太子常服陞殿將入。樂作陞殿。樂止引禮引

文武官使客學官入就位。引禮亦就本位。知班

唱班齊贊禮唱鞠躬。樂作拜興拜興拜興。

平身。樂止引班引丞相由西階陞。樂作至西門

入。引班立候于門外。內贊接引丞相至殿內拜

位。樂止內贊唱跪丞相跪贊禮唱衆官皆跪衆

官皆跪丞相稱某銜某官某等茲遇

皇太子殿下

壽誕之辰謹率文武羣官敬祝

千歲壽賀畢內贊唱俯伏興丞相俯伏興贊禮

唱俯伏興衆官皆俯伏興內贊引丞相出自西

門。樂作內贊復位。引班引丞相西階降復位。樂

止。引班退復位。贊禮唱進箋捧箋官詣案捧箋

與宣箋宣箋目官展箋官一同由西階西門入。

內贊唱進箋捧箋官詣案前跪進箋受箋官跪

於案東受箋出置于案內贊唱宣箋宣箋目官

取箋目跪于案西展箋官同跪展宣畢展箋目

官興宣箋目官俯伏興以箋目復于案退復位。  
宣箋官詣案取箋跪讀于西展箋官同跪宣畢。  
展箋官興宣箋官以箋復于案與捧箋展箋受  
箋官俱詣西門出復本位贊禮唱鞠躬樂作拜。  
興拜興拜興拜興平身樂止贊禮唱禮畢。  
皇太子興樂作還宮樂止舍人舉箋案出引禮  
引文武百官以次出。

諸王來見儀注

前期内使監官設

皇太子位于

東宮正殿正中設

諸王次于

東宮門外侍儀司設諸王拜位于殿門之外及

殿內北向設王府官拜位于殿庭中道上之東

西北向贊禮二人位于王拜位之北東西相向

內贊二人位于殿內王拜位之北東西相向傳

贊二人位于王府官拜位之北東西相向引王

府官班二人位于王府官拜位之北稍後東西

相向。文武官侍立位于庭中。東西相向。

是日宿衛陳甲士兵仗於東宮門外之左右。及旗幟於中門外之左右。拱衛司於殿門前。及於庭中之左右。陳設儀仗。內使擎執于殿內之左右。和聲郎設樂於殿庭之南。

王朝賀

中宮訖至

東宮門外。幄次內使監令啓知。引進導引

皇太子常服出。樂作陞座。樂止引禮二人引

王入就殿門外位。

王初行。樂作就位。樂止引班二人引王府官入

就位。贊禮承傳同唱鞠躬。樂作拜興。拜興。平身。

王與王府官皆鞠躬。拜興。拜興。平身。樂止引進

引

王詣殿東門入。樂作引進立候于門外。內贊二

人接引

王至位。北向立。樂止內贊承傳同唱跪。

王與王府官皆跪。

王跪稱茲

恭詣

皇太子殿下

內贊承傳同唱俯伏興平身。

王與王府官俯伏興平身。內贊引

王由殿東門出。樂作內贊復位。引進接引

王出復本位。樂止贊禮同承傳同唱鞠躬。樂作

拜興。拜興平身

王與王府官皆鞠躬。拜興。拜興平身。樂止贊禮

承傳同唱禮畢。引進啓禮畢。

皇太子興。樂作引禮引

王出。樂止王府官及文武陪位以次出。



樂工

工

五拜位

五拜位

引禮

贊禮

引禮

贊禮

五拜位

內贊

內贊

祭案座

大本堂受三師賀

集禮卷八 三

賓客

三師

諭德

引禮

替禮

引禮

替禮



大明集禮卷十八

篋案

拜位

內贊

受贊

奉令官

篋案

皇位

內贊

司贊

司贊

司贊

司贊



